

四庫全書

子部

欽定四庫全書

子部
冊府元龜卷八百四十二
三

詳校官中書臣孫球

侍讀臣孫球覆勘

總校官庶吉士臣何思鈞

校對官庶吉士臣潘庭筠

謄錄監生臣姚元煨

欽定四庫全書

冊府元龜卷八百四十二

宋 王欽若等撰

總錄部

知人

書曰知人則哲惟帝其難之傳云舉爾所知蓋夫士之
抱道秉哲訥言敏行純粹中積而靡耀流俗不偶而安
卑盛德若愚懷寶自若亦有服讒蒐慝深中厚貌順非
而澤象恭滔天自非精識邁倫風鑒絕出孰能洞分之

哉此其為歎能哲而惠放勳垂何憂哉言三代而下斯
不乏其人矣若夫審器知量以識其遠大察辭觀行以
辨其淑慝舉才任職以彰其能否率是三者而濟之以
道亦人焉廋哉

顏回魯人也孔子弟子也孔子曰回也如愚

於孔子之
言默而識

之如愚也退而省其私亦足以發回也不愚

察其退還與二
三子說釋道義

發明大體知其不愚用之則行舍之則藏惟我與爾有是夫

言可
行則

行可止則止惟我與顏淵同也樂肇曰用已而後行不
假隱以自高不屈道以要名時人無知其實者惟我與

爾有孔子窮於陳蔡之間藜羹不斟七日不嘗粒晝寢
是行

顏回索米得而來爨之幾熟孔子望見顏回攫其甑中
而飯之間食熟謁孔子而進食孔子起曰今者夢見先
君食潔欲饋回曰不可嚮者矣煤甑中回以為棄之不
祥因攫而食之孔子歎曰人所信者目也而目猶不可
信所恃者心也而心猶不足恃弟子記之知人不易

宓不齊字子賤魯人為單父令孔子謂子賤君子哉若

人魯無君子者斯焉取斯

若人者此人也如魯無君子
子賤安得此行而學行之

冉雍字仲弓魯人仲弓父賤人孔子曰犂牛之子騂且

角雖欲勿用山川其舍諸

犂雜文騂赤色角周正中犧牲雖欲以其所生犂而不用

山川寧能舍之乎言父雖不善不害於子之美

子路孔子弟子為衛大夫嘗侍於孔子行行如也孔子曰由也不得其死及聞衛亂曰嗟乎由死矣已而由果死

管仲字夷吾齊大夫少時嘗與鮑叔牙游鮑叔知其賢管仲貧困嘗欺鮑叔鮑叔終善遇之不以為言已而鮑

叔事公子小白管仲事公子糾及小白立為桓公而公
子糾死管仲囚焉鮑叔遂進管仲於桓公管仲既用任
政於齊齊桓公以霸九合諸侯一匡天下管仲之謀也
管仲曰吾始困時嘗與鮑叔賈分財利多自與鮑叔不
以我為貪知我貧也吾嘗為鮑叔謀事而更窮困鮑叔
不以我為愚知我時有利不利也吾嘗三仕三見逐於
君鮑叔不以我為不肖知我不遭時也吾嘗三戰三走
鮑叔不以我為怯知我有老母也公子糾敗召忽死之

吾幽囚受辱鮑叔不以我為無恥知我不羞小節而恥功名不顯於天下也生我者父母知我者鮑子也鮑叔既進管仲以身下之子孫世祿於齊有封邑者十餘世嘗為名大夫天下不多管仲之賢而多鮑叔能知人也又管仲病桓公問曰羣臣誰可相者管仲曰知臣莫如君公曰易牙何如對曰殺子以適君非人情不可公曰開方何如對曰倍親以適君非人情難近

管子曰衛公子開方去其

千乘之太子而臣事君也

公曰豎刁何如對曰自宮以適君非人情

難親管仲死而桓公不用管仲言卒近用三子三子專

權一云管仲病桓公往問之曰仲父之病亟矣若不諱何以詔寡人管仲對曰微君之命臣也臣固且請之

雖然君猶不能行也公曰仲父令寡人東寡人東令寡人西寡人西仲父之命於寡人寡人敢不從乎管仲攝衣冠起對曰臣願君之遠易牙豎刁堂巫公子開方夫易牙以調和事公公惟蒸嬰兒之味牙於是蒸其首子而獻之公人之情非不愛其子也於子之不愛將何有於公公喜宮而治豎刁自刑而為公治內人之情非不愛其身也於身之不愛將何有於公公子開方事公十五年不歸視其親愛齊衛之間不容數日之行臣聞之務為不久蓋虛不長其生不長者其死必不終公曰善管仲死已葬公憎四子者廢之官逐堂巫而疴病起兵逐易牙而味不至逐豎刁而宮中亂逐公子開方而朝不治桓公曰嗟聖人固有悖乎乃復四子官處期年四

子作難圍公一室不得出一婦人從竇而入得至公所公曰吾飢而欲食渴而欲飲不可得其故何也婦人對曰易牙豎刁堂巫公子開方四人四分齊國塗十日不通矣公子開方以書社七百下衛矣食將不可得矣公曰嗟乎茲聖人之言長乎哉死者無知則已若有知吾何面目以見仲父於地下

公孫固為宋司馬晉公子重耳

文公也

過宋固言於襄公

曰晉公子亡長幼矣而好善不厭父事狐偃師事趙衰長事賈它狐偃其舅也而惠以有謀趙衰其先君之戎御趙夙之弟也而文以忠貞賈它公族也多識以恭敬此三人者實左右之公子居則下之動則咨焉君其圖

之襄公從之贈以馬二十乘

叔向晉大夫欒盈出奔楚范宣子殺箕遺黃淵嘉父司

空靖邴豫董叔邴師申書羊舌虎叔熊

十子皆盈之黨羊舌虎叔向弟

囚伯華叔向籍偃人謂叔向曰子離於罪其為不知乎

譏其受囚而不能去

叔向曰與其死亡若何

言雖囚何若於死亡

詩曰優哉

游哉聊以卒歲知也

詩小雅言君子優游於衰世所以避害卒其壽是亦知也

樂王

鮒見叔向曰吾為子請叔向弗應出不拜

樂王鮒晉大夫樂桓子

其人皆咎叔向叔向曰必祁大夫

祁大夫祁奚也食邑於祁因以為氏祁縣

今屬太原室老聞之曰樂王鮒言於君無不行其言皆得行求赦

吾子吾子不許謂不拜祁大夫所不能也不能動君而曰必繇

之何也叔向曰樂王鮒從君者何能行祁大夫外舉

不棄讐內舉不失親其獨遺我乎詩曰有覺德行四國

順之詩大雅言德行直則天下順之夫子覺者也覺較然正直晉侯問叔向

之罪於樂王鮒對曰不棄其親其有焉言叔向篤親親必與叔虎同謀

於是祁奚老矣聞之乘駟而見宣子曰詩曰惠我無疆

子孫保之詩周頌也言文武有惠訓之德加於百姓故子孫保賴之書曰聖有謨勳

明徵定保

逆書謀謀也勲功也言聖哲有功謀者當明信以安之

夫謀而鮮過惠

訓不倦者叔向有焉

謀而鮮過有謀勲也惠訓不倦惠我無疆也

社稷之固

也猶將十世宥之以勸能者今一不免其身

一以

棄

社稷不亦惑乎繇殛而禹興

言不以父罪廢其子

伊尹放太甲而

相之卒無怨色

太甲湯孫也荒淫失度伊尹放之桐宮三年改悔而復之而無憾心言不以一

怨妨大德

管蔡為戮周公右王

言兄弟罪不相及

若之何其以虎也

棄社稷子為善誰敢不勉多殺何為宣子說與之乘以

言諸公而免之

共載入見公

不見叔向而歸

言為國非私叔向也

叔向

亦不告免焉而朝

不告謝之明不為已

又叔向適鄭驪蔑惡

醜惡貌

欲觀叔向從使之物器者

從隨也隨使人應歛俎豆者

而使立於堂

下一言而善叔向將飲酒聞之曰必驪明也

素聞其賢故聞其言

而知

下執其手以上曰昔賈大夫惡

賈國之大夫惡醜也

娶妻而

美三年不言不笑御以如臯

為妻御之臯澤

射雉獲之其妻始

笑而言賈大夫曰才之不可以已我不能射女遂不言

不笑夫今子少不颺

顏貌不揚顯

子若無言吾幾失子矣

趙文子晉大夫初齊烏餘以廩丘奔晉

烏餘齊大夫廩丘今東郡廩丘

縣故城是今康邱縣所襲衛羊角取之治羊角城是遂襲魯高魚高魚城在康邱

縣東北有大雨自其竇入雨故水介於其庫入高魚庫以

登其城克而取之又取邑於宋於是范宣子卒宣子范匄諸

侯弗能治也及趙文子為政乃卒治之文子言於晉侯

曰晉為盟主諸侯或相侵也則討而使歸其地今烏餘

之邑皆討類也言於此類宜見討而貪之是無以為盟主也請

歸之公曰諾孰可使也對曰胥梁帶能無用師晉侯使

往胥梁帶晉大夫能無用師言有權謀胥梁帶使諸喪邑者具車徒以受

地必周

諸喪邑謂齊魯來也周密也必密來勿以受地為名

使烏餘具車徒以受

封烏餘

以地來故詐許封之

烏餘以其衆出

出受封也

使諸侯偽效烏餘

之封者

效致也使齊魯米偽若致邑封烏餘者

而遂執之盡獲之

皆獲其徒衆

皆取其邑而歸諸侯是以睦於晉

韓宣子晉大夫也聘魯遂如齊納幣

為平公聘少姜

見子雅子

雅召子旗

子旗子雅之子

使見宣子宣子曰非保家之子也不

臣見子尾子尾見彊

彊子尾之子

宣子謂之如子旗

亦不臣

大

夫多笑之惟晏子信之曰夫子君子也

夫子韓起

君子有信

其有以知之矣

後樂施高
彊奔魯

孟僖子魯大夫病且死誠其嗣懿子曰孔丘聖人之後

聖人謂
商湯滅於宋

孔子六世祖孔父嘉為宋
華督所殺其子奔魯也

其祖弗父何

始有宋而嗣厲公

弗父何孔父嘉之高祖宋愍公之長
子厲公之兄也何嫡嗣當立而讓厲

也公及正考父佐戴武宣公

正考父弗父
何之曾孫

三命茲益恭故

鼎銘云

三命上卿也
考父廟之鼎

一命而僂再命而偃三命而俯

僂

俯皆恭敬
之貌也循牆而走

言不敢
安行

亦莫敢余侮

其恭如是人
亦不敢侮慢

饘於是粥於是以糊余口

於是鼎中為饘粥饘
粥糊屬言至儉也

其恭如

是吾聞聖人之後雖不當世必有達者

謂若弗父何殷湯之後而不繼

世為宋君杜預曰聖人之後有明德而不當大位謂正考父也

今孔丘年少

時年十七

好禮

其達者歟吾即沒若必師之及僖子卒懿子與南宮敬叔往學禮焉

吳公子札聘於魯見叔孫穆子說之謂穆子曰子其不得死乎好善而不能擇人吾聞君子務在擇人吾子為魯宗卿而任其大政不慎所舉何以堪之禍必及子聘於齊說晏平仲謂之曰子速納邑與政無邑無政乃免

於難齊國之政將有所歸未獲所歸難未歇也故晏子

因陳桓子以納政與邑以免於樂高之難

難在昭公八年聘

於鄭見子產如舊相識與之縞帶子產獻紵衣焉

大帶也吳

地貴縞鄭地貴紵故各獻已所貴示積已而不為彼貨利

謂子產曰鄭之執政侈難

將至矣政必及子子為政慎之以禮不然鄭國將敗

侈謂

伯適衛說蘧瑗

蘧伯玉

史狗

史朝之子文子

史繇

史魚

公子荆公叔

發

公叔文子

公子朝曰衛多君子未有患也適晉說趙文子

韓宣子魏獻子曰晉國其萃於三族乎

言晉國之政將集於三家說

叔向將行謂叔向曰吾子勉之君侈而多良大夫皆富

政將在家

富必厚施
故政在家

吾子好直必思自免於難

子濯孺子鄭大夫也鄭人使子濯孺子侵衛衛使庾公

之斯追之子濯孺子曰今日我疾作不可以執弓吾死

矣

庾公衛大夫
疾作瘧疾

問其僕曰追我者誰也其僕曰庾公之

斯也曰吾生也

僕御也孺子
曰吾必生

其僕曰庾公之斯衛之善

射者也夫子曰吾生何謂也曰庾公之斯學射於尹公

之他尹公之他學射於我夫尹公之他端人也其取友

必端矣

端人用心不邪辟知我是其道本所必不害我也

庾公之斯至曰夫子

何為不執弓曰今日我疾作不可以執弓曰小人學射於尹公之他尹公之他學射於夫子我不忍以夫子之道反害於夫子雖然今日之事君事也我不敢廢抽矢扣輪去其金發乘矢而後反

晏嬰字平仲齊大夫之晉見披髮負芻息於途牧者以為君子也使人問焉曰曷為而至此對曰齊人繆之吾名曰越石父晏子曰嘻遽解左驂以贖之載而與歸至

舍不辭而入越石父怒而請絕晏子使人應之曰嬰未嘗得交也今免子於患吾於子猶未可耶越石父曰吾聞君子詘乎不知己而信乎知己者吾是以請絕也晏子乃出見之曰向也見客之容而今也見客之意嬰聞察實者不留聲觀行者不幾辭嬰可以辭而無棄乎越石父曰夫子禮之敢不敬從晏子遂以為上客俗人有功則德德則驕晏子功免人於危而反詘下之其去俗亦遠矣此全功之道也夫

趙簡子晉大夫使尹鐸為晉陽請曰以為繭絲乎抑為保障乎簡子曰保障哉尹鐸損其戶數簡子誠襄子曰晉國有難而無以尹鐸為少無以晉陽為遠必以為歸孫叔敖為楚相嘗善待優孟及病且死屬其子曰我死汝必貧困若往見優孟言我叔敖之子也居數年其子窮困負薪逢優孟與言曰我孫叔敖子也父且死時屬我貧困往見優孟孟曰若無遠有所之即為孫叔敖衣

冠抵掌談語

一云蘇秦說趙王華屋之下抵掌而言張載曰談說之容則然

歲餘像孫

叔教楚王及左右不能別也莊王置酒優孟前為壽莊王大驚以為孫叔敖復生也欲以為相優孟曰請歸與婦計之三日而為相莊王許之三日後優孟復來王曰婦言謂何孟曰婦言慎無為楚相不足為也如孫叔敖之為楚相盡忠為廉以治楚王得以霸今死其子無立錙之地貧困負薪以自飲食必如孫叔敖不如自殺因歌曰山居耕田苦難以得食起而為吏身貪鄙者餘財不顧恥辱身死家室富又恐受財枉法為姦觸人罪身

死而家滅貪吏安可為也念為廉吏奉法守職者死不
敢為非廉吏安可為也楚相孫叔敖持廉至死方今妻
子窮困負薪而食不足為也於是莊王謝優孟乃召孫
叔敖子封寢丘四百戶以奉其祀後十世不絕

漢王陵初從高祖起沛中時張蒼為秦御史有罪亡歸
及沛公畧地過陽武蒼以客從攻南陽蒼有罪當斬解
衣伏釧身長大肥白如瓠時陵見而怪其美士乃言沛
公救勿斬後為漢相

滕公初從高祖平關中時韓信歸漢坐法當斬其儔十
三人皆已斬至信信乃仰視適見滕公曰上不欲就天
下乎而斬壯士滕公竒其言壯其貌釋弗斬與語大說
之言於漢王漢王以為治粟都尉

趙禹為少府時詔擇衛將軍舍人以為郎將軍取舍人
中富給者令具鞍馬絳衣玉具劍欲入奏之會禹來過
衛將軍將軍呼所舉舍人以示禹禹以次問之十餘人
無一人習事有智略者禹曰吾聞之將門之下必有將

類傳曰不知其君視其所使不知其子視其所友今有
詔舉將軍舍人者欲以觀將軍能得賢者文武之士也
今徒取富人子上之又無智略如木偶人衣之綺繡耳
將奈之何於是趙禹悉召衛將軍舍人百餘人以次問
之得田仁任安曰獨此兩人可耳餘無可用者衛將軍
見此兩人貧意不平趙禹去謂兩人曰各自具鞍馬新
絳衣兩人對曰家貧無用具也將軍怒曰今兩君家自
為貧何為出此言鞅鞅如有移德於我者何也

移猶施也將

軍不得已上籍以聞有詔召見衛將軍舍人此二人前見詔問能畧相推第也田仁對曰提桴鼓立軍門使士大夫樂死戰鬪仁不及任安任安對曰夫決嫌疑定是非辨治官使百姓無怨心安不及仁也武帝大笑曰善使任安護北軍使田仁護邊田穀於河上此兩人立名天下

袁盎為吳相病免雒陽劇孟嘗過盎善待之安陵富人
有謂盎曰吾聞劇孟博徒博戲之徒也將軍何自通之盎曰

劇孟雖博徒然毋死客送喪車千餘乘此亦有過人者

且緩急人所有

凡人在世不能無緩急之事

夫一旦叩門不以親蒞

解

凡人之於赴難濟危多以有父母為解而孟無行之解者若今分疏也

不以在亡為辭

或實在家而辭云不在

天下所望者獨季心劇孟

心季布弟也

今公陽

從數騎一旦有緩急寧足恃乎遂罵富人弗與通諸公聞之皆多孟

于定國為廷尉時尹翁歸拜東海太守過辭定國定國家在東海欲屬託邑子兩人令坐後堂待見定國與翁

歸語終日不敢見其邑子既去定國乃謂邑子曰此賢將汝不任事也不可干以私

張禹經學精習有師法成就子弟尤著者淮陽彭宣至大司空沛郡戴崇至少府宣為人恭儉有法度而崇愷弟多智二人異行禹心親愛崇敬宣而疏之崇每候禹嘗責師宜置酒設樂與弟子相娛禹將崇入後堂飲食婦女相對優人箎絃鏗鏘極樂昏夜乃罷而宣之來也禹見之於便坐講論經義日晏賜食不過一肉卮酒相

對宣未嘗得至後堂及兩人聞知各自得也禹位至特
進終

焦延壽字贛善易為小黃令京房事贛贛嘗曰得我
道以亡身者京生也後坐言災異棄市

張勃嗣富平侯為散騎諫大夫元帝初即位詔列侯
舉茂才勃舉太官獻丞陳湯湯有罪勃坐削戶二百會
薨故賜諡曰繆侯後湯立功西域世以勃為知人

揚雄字子雲李彊素善雄久之彊為益州牧喜謂雄曰

吾真得嚴君平矣雄曰君備禮以待之彼人可見而不可得誣也彊心以為不然及至蜀致禮與相見卒不敢言以為從事乃歎曰揚子雲誠知人雄官至侍郎

嚴尤為王莽納言將軍光武微時為舂陵侯家訟逋租

於嚴尤見而竒之

舂陵侯敞即光武季父也東觀記曰光武為季父故舂陵侯詣大司

馬府訟地皇元年十二月壬寅前租二萬六千斛芻藁錢若干萬時犯人朱福亦為舅訟租於尤尤止車獨與

光武語不視福光武後戲福曰嚴公寧視卿耶

及尤圍昆陽城中出降尤者言

光武不取財物但會兵計策尤笑曰是美鬚眉者耶何

乃如是

後漢安城侯賜初與更始俱到雒陽欲令親近大將徇河北未知所使賜言諸家子獨有文叔可用大司馬朱鮪等以為不可更始狐疑賜深勸之乃拜光武行大司馬持節過河

李生舞陰人賈復少好學習尚書事李生李生竒之謂門人曰賈君之容貌志氣如此而勤於學將相之器也虞延為南陽太守永平初有新野功曹鄧衍以外戚小

侯每豫朝會而容姿趨步有出於衆明帝目之顧左右曰朕之儀貌豈若此人特賜輿馬衣服延以衍雖有容儀而無實行未嘗加禮帝既異之乃詔衍令自稱南陽

功曹詣闕

謝承書曰帝賜輿馬衣服劍珮刀錢二萬南陽計吏歸具以啟延延知衍華不副實行不

配容積三年不用於是帝乃自勅衍稱南陽功曹詣闕

既到拜郎中遷元武司馬

衍在職不服父喪帝聞之乃歎曰知人則哲惟帝難之信哉斯言衍慙而退繇是以延為明

第五倫為宕渠令顯拔鄉佐玄賀後為九江沛二郡守

以清潔稱所在化行終於大司農倫後為蜀郡太守所
舉吏多至九卿二千石時以為知人倫後位至司空

張堪南陽宛人也素有名稱嘗於太學見朱暉甚重之
接以友道乃把暉臂曰欲以妻子託朱生暉以堪先達
舉手未敢對自後不復相見堪後為漢陽太守卒暉聞
其妻子貧困乃自往候視厚賑贍之暉少子頡怪而問
曰大人不與堪為友平生未曾相聞子孫竊怪之暉曰
堪嘗有知己之言吾以信於心也

以其先托妻子心已
許之故言信於心也

朱穆為冀州刺史所辟用皆清德長者多至公卿州郡

州郡謂刺史太守

王克字仲任會稽上虞人也為郡功曹諫諍不合自免
居家初班固年十三克見之拊其背謂父彪曰此兒必
記漢事

馮敷為吳郡督郵郡人施延家貧母老周流傭賃嘗避
地於廬江臨湖縣種瓜後復到吳郡取卒月直賃作半
路亭以養其母是時吳會未分敷到縣延持帚往敷知

其賢者下車謝使入亭請與飲食脫衣與之餉錢不受
後至太尉

法真父雄為交趾太守胡廣父貢交趾都尉廣少孤貧
親執家苦長大隨輩入郡為散吏真從家來省其父真
頗知人會歲終應舉士雄勅真助求其才雄因大會諸
吏真自於牖間密占察之乃指廣以白雄遂察孝廉既
到京師試以奏章安帝以廣為天下第一

又云真年未
弱冠父在南

郡步往候父欲去父留之待正旦使觀朝吏會者數百
人真於窓中聞其與父語畢問真孰賢真曰戶曹掾胡

廣有公卿之量其後廣果立九卿三公之位世以服真之知人真辟公府舉賢良皆不

就

王謚河南尹田歆外甥

謚史不書其官

科嵩始為縣門下史時

謚名知人歆謂之曰今當舉六孝廉多得貴戚書命不

宜相違欲自用一名士以報國家爾助我求之明日謚

送客於太陽郭遙見嵩異之還白歆曰為尹得孝廉矣

近雒陽門下史也歆笑曰當得山澤隱滯安用近雒陽

吏耶謚曰山澤不必有異士異士不必在山澤歆即召

曷于庭辯詰職事曷辭對有序歆甚知之召署主簿遂
舉孝廉

鍾皓潁川人同郡陳寔年不及皓皓引與為友皓為郡
功曹會辟司徒府臨辭太守問誰可代鄉者皓曰明府
欲必得其人西門亭長陳寔可寔聞之曰鍾君似不察
人不知何獨識我

郭泰字林宗舉有道不應衛茲字子許弱冠與同郡圈
文生俱稱盛德林宗與二人共至市子許買物隨價酬

直文生訾呵減價乃取林宗曰子許少欲文生多情此
二人非徒兄弟乃父子也後文生以穢貨見損茲以烈
節垂名又王允世仕州郡為冠蓋林宗嘗見允而竒之
曰王生一日千里王佐才也又茅容年四十餘耕於野
時與等輩避雨樹下皆夷踞相對容獨危坐愈恭林宗
行見之而竒其異遂與其言因請寓宿旦日容殺雞為
饌林宗謂為已設既而以供其母自以草蔬與容同飯
林宗起拜之曰卿賢乎哉因勸令學卒以成德

秦之所
名人品

乃定先言後驗衆皆服之故適陳留則友苻偉明游太
學則師仇季智之陳國則親魏德公入汝南則交黃叔
度又識張孝仲芻牧之中知范時祖郵置之役召公子
許偉康並出屠酤司馬子威拔自卒伍及同郡郭長信
王長文韓文布李子政曹子元定襄周康子西河王季
然雲中邱季智郝禮真等六十人並以成名王柔王澤
兄弟總角共候林宗以訪才行所宜林宗曰叔優當以
仕進顯季道當以經術通然遠方改務亦不能也後果
如所言柔為護匈奴中郎將澤為代郡太守謝軌與陳
留邊讓並善談論俱有成名每共候林宗未嘗不連日
連夜林宗謂門人曰二子英才有餘而並不入道惜乎
軌後不拘細行為時所毀讓以輕侮曹操殺之黃允以
雋才知名林宗見而謂曰卿有絕人之才足成偉器然
恐守道不篤將失之矣後司徒袁隗欲為從女求婚見
允而歎曰得婿如是足矣允聞而黜遣其妻夏侯氏婦
謂姑曰今當見棄方與黃氏長辭乞一會親屬以展離

訣之情于是大集賓客三百餘人婦中坐櫬袂數允隱
慝穢惡十五事言畢登車而去允以此廢于時史叔賓
少有威名林宗見而告人曰牆高基下雖得必失後果
以論議阿枉敗名云庾乘少給事縣廷為門士林宗見
而拔之勸遊學宮遂為諸生備後能講論自以早第每
處下坐諸生博士皆就讐問錄是學中以下坐為貴後
徵辟並不起
號曰徵君

荀淑字季和潁川人為朗陵侯相時黃憲世貧賤父為
牛醫淑至慎陽遇憲於逆旅時年十四淑竦然異之揖
與語移日不能去謂憲曰子吾之師表也既而前至袁
閔所未及勞問逆曰子國有顏子寧識之乎閔曰見吾

叔度耶淑又拔李昭于小吏

李膺為烏桓校尉以公事免官還居論氏教授嘗千人
南陽樊陵求為門徒膺謝不受後陵以阿附宦官致位
太尉為節志所羞又岑暄詣太學膺與王暢稱其有幹
國器膺後為司隸校尉

度尚除上虞長進善愛人坐以待旦擢門下書佐朱雋
嘗歎美之以為有不凡之操雋後官至車騎將軍遠近
竒尚有知人之鑒

吳祐字季英郡舉孝廉將行郡中為祖道祐越壇共小吏雍邱黃真歡語移時與結友而別功曹以祐倨請黜之太守曰吳季英有知人之名卿且勿言真後亦舉孝廉除新蔡長世稱其清節祐官至河間相

仲長統山陽高平人年二十餘游學青徐并冀之間與交者多異之并州刺史高幹素貴有名招致四方游士多歸焉統過幹幹善待遇之訪以世事統謂幹曰君有雄志而無雄才好士而不能擇人所以為君深戒也幹

雅自多不納統言統去之無幾而幹敗并冀之士以是
異統後尚書令荀彧舉為尚書郎又叅丞相曹操軍事
符融陳留浚義人游太學郭林宗始入京師時人莫識
融一見嗟服因以介於李膺繇是知名時漢中晉文經
梁國黃子英並恃其才智炫曜上京卧託養疾無所通
接雜中諸大夫好事者承其聲名坐門問疾猶不得見
三公所辟召者輒以詢訪之隨所臧否以為與奪融察
其非真乃到太學并見李膺曰二子行業無聞以豪傑

自置遂使公卿問疾王臣坐問融恐其小道破義空譽
違實特宜察焉膺然之二人自是名論漸衰賓徒稍省
旬日之間慙歎逃去後果為輕薄子並以罪廢棄融益
以知名優游不仕以至於終

鄭玄門人樂安國淵任嘏年並童幼玄稱淵為國器嘏
有道德其餘亦多所鑒拔皆如其言

國淵字子尼少師
事鄭玄淵始未知

名玄稱之曰國子尼美才
也吾觀其人必為國器後為大司農

李瓚位至東平相初曹操微時瓚異其才將沒謂子宣

等曰時將亂矣天下英雄無過曹操馬張孟卓與吾善
袁本初汝外親雖爾勿休必歸曹氏諸子從之並免於
亂世

甘公丹陽縣人嘗為蒼梧太守陶謙少孤始以不羈聞
於縣中年十四猶綴帛為幡乘竹馬而戲邑中兒童皆
隨之甘公出遇見之其容貌異而呼之與語甚說許妻
以女夫人怒曰陶家兒遨戲無度奈何以女許之甘公
曰彼有奇表長必大成遂以妻之

許邵字子將汝南平輿人也嘗為郡功曹邵少峻名節

好人倫多所賞識若樊子昭和陽士者並顯名於世故

天下言拔士者咸稱許郭林宗劉曄少有孝行避地揚州

邵稱曄有佐世之才後為魏名臣又曹公微時嘗卑辭

厚禮求為己目邵鄙其人而不肯對公乃伺隙脅邵邵

不得已曰君清平之姦賊亂世之英雄公大悅而去云

魏太祖嘗問許子將我何如人子將不答固問之
子將曰子治世之能臣亂世之姦雄太祖大笑

蔡邕字伯喈為左中郎將獻帝西遷王粲徙長安邕見

而奇之時邕才學顯著貴重朝廷嘗車騎填巷賓客盈
坐聞蔡在門倒屣迎之蔡至年既幼弱容狀短小一座
盡驚邕曰此王公孫也有異才吾不如也吾家書籍文
章盡當與之邕初從朔方還嘗避怨於吳顧雍從學琴
書雅專一清靜敏而易教伯喈貴異之謂曰卿必成致
今以吾名與卿故雍與伯喈同名

孔融字文舉為北海相韋康字元將與弟仲將俱見融
融與康父端書曰前日元將來淵才亮茂雅度弘毅偉

世之器也昨日仲將又來懿性貞實文懋篤誠保家之主也不意雙珠近出老蚌甚珍貴之又召王修為主簿舉孝廉修以天下亂不行頃之郡中有反者修聞融有難夜往奔融賊初發融謂左右曰能冒難來惟修耳言終而修至復署功曹融嘗謂功曹孔邵廡廟才也邵後從劉繇於江東及吳大帝統事數陳便宜以為應納貢聘大帝即從之拜廬江太守遷車騎長史黃武初為丞相威遠將軍封陽羨侯

橋玄梁國人為太尉初魏太祖少任俠放蕩世人未之
竒也惟玄與南陽何顥異焉玄謂太祖曰天下將亂非
命世之才不能濟也能安之者其在君乎操嘗感其知

已後經玄墓輒悽愴致祭自為其文

又云橋玄世名知人觀魏太祖而異

之曰吾見天下名士多矣未有若君者也君善自持吾老矣願以妻子為托繇是身名益重於時

何顥南陽襄鄉人辟司空府初見魏太祖歎曰漢家將
亡安天下者必此人也顥嘗稱潁川荀彧王佐之器及
彧為尚書令遣人西迎叔父爽喪并致顥屍而葬之家

傍

陳寵為尚書皇后弟侍中竇憲薦真定令張林為尚書
帝以問寵寵對林雖有才能而素行貪濁憲以此深憾
寵林卒被用而以贓污抵罪

魏荀彧所舉者命世大才邦邑則荀攸鍾繇陳羣及引
致當世知名却憲華歆王朗荀悅杜襲辛毗趙儼之儔
終為卿相以十數人取士不以一揆戲志才郭嘉等有
負俗之譏杜畿簡傲少文皆以智策舉之終各稱職初

曹公問或誰能代卿為我謀者或言攸繇又言策謀士
初進志才志才卒又進郭嘉曹公以為知人或為侍中
光祿大夫持節叅丞相軍事

劉元起涿郡人蜀先主年十五母使行學與元起子德
然遠西公孫瓚俱事故九江太守同郡盧植元起嘗資
給先主與德然等元起妻曰各自一家何能嘗爾邪起
曰吾宗中有此兒非常人也

元起出蜀志
不見官位

張世平中山大商也蜀先主居涿時世平與蘇雙等皆

累千金販馬周旋於涿郡見而異之乃多與金財先主

繇是得合徒衆

世平出蜀志
不見官位

魏茲陳留人臻之父也茲有大節不應三公之辟太祖之初至陳留茲曰平天下者必此人也太祖亦異之數詣茲議大事從討董卓戰於滎陽而卒太祖每涉郡境

輒遣使祠焉

魏茲出魏志
不見官位

王郎漢末為會稽太守為孫策所執後太祖徵之既至太祖問曰孫策何以得至此耶郎曰策勇冠一世有雋

才大志張子布民之望也北面而相之周公瑾江淮之傑攘臂而為其將謀而有成所規不細終為天下大賊非徒狗盜而已

王雋字子文汝南人少為范滂許章所識與南陽岑暉善曹公之為布衣特愛雋雋亦稱曹公有治世之具及袁紹與弟術喪母歸葬汝南雋與曹公會之會者三萬人曹公於外密語雋曰天下將亂為魁者必此二人也欲濟天下為百姓請命不先誅此二子亂今作矣雋曰

如卿之言濟天下者舍卿復誰相對而歎劉表見袁紹
彊陰與紹通雋謂表曰曹公天下之雄也必能興霸道
繼桓文之功者也今乃釋近而就遠如有一朝之急遙
望漢北之救不亦難乎表不從賈詡為太尉初南見劉
表表以客禮待之詡謂人曰表平世三公才也不見事
變多疑無決無能為也

劉琬漢末為使者使孫策加錫命時吳大帝舉孝廉琬
語人曰吾觀孫氏兄弟雖各才秀明達然皆祿祚不終

惟中弟孝廉形貌竒偉骨體不常有大貴之表年又最
壽爾試識之

裴潛初為太祖倉曹屬太祖問潛曰卿前與劉備俱在
荊州卿以備才畧何如潛曰使居中國能亂人而不能
為治也若乘間守險足以為一方主

楊俊字季才有風鑒仕為南陽太守漢末晉宣帝年十
六七與俊相遇俊曰此非常人之人也又司馬朗早有
聲名其族兄芝衆未之知惟俊言曰芝雖風望不及朗

實理但有優

甘俊自少及長以人倫自任同郡審固陳留衛恂本皆
出自兵伍俊資拔獎致咸作佳士後固歷位郡守恂御
史縣令其明鑒行義多此類也

崔林字德儒河東武城人也有清識拔同郡王經於民
伍之中卒為名士世以此稱之後為司空薨

傅巽字公悌文帝時為侍中巽瓌偉博達有知人鑒巽
在荊州目龐統為半英雄謂裴潛終以清行顯統遂附

劉備見待次於諸葛亮潛位至尚書令並有名德及在魏朝魏諷以才智聞異謂之必反卒如其言

游殷為郡功曹時張既為兒童殷察而異之引既過家既敬諾先歸勅家具設賓饌及既至殷妻笑曰君其恃乎張德容童昏小兒何異客哉殷曰卿勿怪乃方伯之器也殷遂與既論霸王之術饗訖以子楚託之既謙不受殷固託之既以殷邦之宿望難違其旨乃許之後楚為蒲阪令太祖定關中時漢興郡缺太祖以問既既稱

楚才兼文武遂以為漢興太守後轉隴西

夏侯玄世名知人為中護軍拔用武官參戟牙門無非
俊傑多收州典郡立法垂教於今皆為後式

司馬德操潁川人也劉廙年十歲戲於講堂上德操拊
其頭曰孺子孺子黃中通理寧自知不廙文帝即王位
為侍中賜爵關內侯

陳羣辟太祖司空西曹掾屬時有薦樂安王模下邳周
逵者太祖辟之羣封還勅以為模逵穢德終必敗太祖

不聽後模遠皆坐姦軌誅太祖以謝羣羣薦廣陵陳矯
丹陽戴乾太祖皆用之後吳人叛乾忠義死難矯遂為
名臣世以羣為知人

劉曄為侍中時魏諷有重名自卿相以下皆傾心交之
其後孟達去劉備歸文帝論者多稱有樂毅之量曄一

見諷達而皆云此二人必反卒如其言

達有容止才觀
文帝甚器愛之

使達為新城太守加散騎常侍曄曰達有苟得之心恃
才好術必不能感恩懷義新城與吳蜀接連者變態為
國生患文帝竟不
易後達終於叛敗

張旣為雍涼二州刺史十餘年其所禮辟扶風龐延天水楊阜安定胡遵酒泉龐涓燉煌張恭周生烈等皆終有名位

荀攸字公達鄭表高祖衆為漢大司農父泰揚州刺史有高名表少孤早有識鑒攸見之曰鄭公業為不亾矣公業泰字也攸終於尚書令

傅嘏為黃門侍郎時曹爽秉政何晏為吏部尚書嘏謂爽弟義曰何平叔外靜而內鋤巧好利不念務本吾恐

必先惑子兄弟仁人將遠而朝政廢矣晏等遂與嘏不平因微事以免嘏官起家拜滎陽太守不行太傅司馬宣王請為從事中郎曹爽誅為河南尹李豐與嘏同州少有顯名早歷大官內外稱之嘏又不善也謂同志曰豐飾偽而多疑矜小失而昧於權利若處庸庸者可也自任機事而遭明者必死豐後為中書令與夏侯玄俱禍卒如嘏言先是何晏以才辯顯於貴戚之間鄧颺好變通合徒黨鬻聲名於閭閻而夏侯玄以貴臣子少有

重名為之宗主求交於嘏而不納也嘏友人荀彘有清
識遠心然猶怪之謂嘏曰夏侯泰初一時之傑虛心交
子合則好成不合則怨至二賢不睦非國之利此藺相
如所以下庶頗也嘏答之曰泰初志大其量能合虛聲
而無實才何平叔言遠而情近好辯而無誠所謂利口
覆邦國之人也鄧玄茂有為而無終外要名利內無關
鑰貴同惡異多言而妬前多言多讐妬前無親以吾觀
此三人者皆敗德也遠之猶恐禍及況昵之乎嘏為尚

書僕射時司馬文王輔政鍾會為黃門侍郎會嘗有自
矜色嘏戒之曰子志大而量小勲業難為也可不慎哉
後果作亂被誅

何禎明帝時為秘書丞時譙人胡康年十五以異才見
選又陳損益求試劇縣詔特引見衆論翕然號為神童
詔付秘書使博覽典籍帝以問禎康才何如禎答曰康
雖有才性質不端必有負敗後果以過見譴

夏侯霸為討蜀護軍右將軍後降蜀姜維問之曰司馬

懿既得彼政當復有征伐之志否霸曰彼方營立家門未遑外事有鍾士季會者其人雖少終為吳蜀之憂然非常之人而不能用也後十五年而會果滅蜀

司馬朗為兗州刺史朗雅好人倫鄉人李覲等盛得名譽朗嘗顯貶下之後覲等敗時人服焉

崔琰為中尉琰初與司馬朗善晉宣王方壯琰謂朗曰子之弟聰哲明允剛斷英特殆非子之所及也

王修為奉常修初識高柔於弱冠異王基於童幼終皆

遠至世稱其知人

郭玄陽翟人被刑在家鄧艾少為襄城典農部民與石苞皆年十二三玄從典農司馬求人御以艾苞與御行十餘里與語悅之謂二人皆當遠至為佐相艾從為典農功曹奉使詣宣王繇此見知遂被拔擢苞亦貴顯

郭玄

出魏志不見官位

杜畿為尚書僕射畿初與太僕李恢東安太守郭智友好恢子豐交結英俊以才智顯於天下智子冲有內實

而無外觀州里弗稱也二人各修子孫禮見畿既退畿
歎曰孝懿無子非徒無子殆將無家君謀為不死也其
子足繼其業時人皆以畿為誤恢死後豐為中書令父
子兄弟皆誅冲為代郡太守卒繼父業世乃服畿知人

魏畧曰李豐父名義與此
不同義蓋恢之別名也

蜀司馬徽潁川人有知人之鑒龐統少時樸鈍未有識
者統弱冠往見徽徽採桑於樹上坐統在樹下共語自
晝至夜徽甚異之稱統當為南州士之冠冕繇是漸顯

徽出蜀志
不見官位

譙周字允南陳壽為觀閣令史宦人黃皓專弄威權壽
獨不為之屈縣是屢被譴黜遭父喪有疾使婢丸藥客
往見之鄉黨以為貶議蜀平坐是沉廢者累年後為御
史治書以母憂去職母遺言令葬雒陽壽遵其志又坐
不以母歸葬竟被貶議初周嘗謂壽曰卿必以才學成
名當被損折亦非不幸也宜深慎之壽至再致廢辱皆
符周言周入魏時晉文王為相國以周有全國之功封

陽城侯

楊戲為射聲校尉戲性簡情未嘗以甘言加人時人謂
譙周無當世才少歸敬者戲重之嘗稱曰吾等後世終
自不如此長兒也有識以此貴戲

王連為司監校尉於是簡取良才以為官屬若呂乂杜
棋劉幹等終皆至大官自連所拔也

吳虞翻字仲翔初山陰丁覽太末徐陵或在縣吏之中
或衆所未識翻一見之便與友善終成顯名翻嘗為騎

都尉

陸遜為太子太傅遜名知人初暨艷造營府之論遜諫
戒之以為必禍又謂諸葛恪曰在我前者吾必奉之同
升在我下者則扶持之今觀君氣陵其上意蔑乎下非
安德之基也及廣陵楊竺少獲聲名而遜謂之終敗勸
竺兄穆令與別族後艷恪竺皆坐誅其先見如此

胡綜為侍中時青州人隱蕃歸吳上書曰臣聞紂為無
道微子先出高祖寬明陳平先入臣年二十二委棄封

城歸命有道賴蒙天靈得自全致臣至止有日而主者同之降人未見精別使臣微言妙旨不得上達於邑三歎曷惟其已也謹詣闕拜章乞蒙引見大帝即召入蕃謝答及陳時務甚有辭觀綜時侍坐帝問如何對曰蕃上書大語有似東方朔巧捷詭辯有似禰衡而才皆不及大帝又問可堪何官綜對曰未可以治民且試以都輦小職大帝以蕃盛論刑獄用為廷尉監左將軍朱據廷尉郝普稱蕃有王佐之才普尤與之親善嘗怨歎其

屈後蕃謀叛事覺伏誅普見責自殺據禁止歷時乃解
拜綜偏將軍蕃以口辯為豪傑所善潘濬子翥亦與周
旋饋餉之濬聞大怒疏責翥曰吾受國厚恩志報以命
爾輩在都當念恭順親賢慕善何故與降虜交以糧餉
之在遠聞此心震面熱惆悵累旬疏到急就往使受杖
一百促責所餉當時人咸怪濬而蕃果圖叛誅夷衆乃
歸服

羊道為中庶子年二十時廷尉監隱蕃交結豪傑自衛

將軍全琮等皆傾心敬待惟道及宣詔郎隸章楊迪拒絕不與通時人咸怪之而蕃後叛逆衆乃服之

李肅南陽人也孟仁少從肅學讀書夙夜不懈肅奇之曰卿宰相器也後果為丞相

習溫為荊州大公平大公平今之州都潘秘過辭於溫問曰先君昔許君侯當為州里議主今果如其言不審州里誰當復相代者溫曰無過於君也後秘為尚書僕射代溫為公平甚得州里之譽

虞俊餘姚人也俊見張溫歎曰張惠恕

溫字

才多智少華

而不實怨之所聚有覆家之禍吾見其兆矣諸葛亮聞
俊憂溫意未之信及溫放黜亮乃歎俊之有先見亮初
聞溫敗未知其故思之數日曰吾已得之矣其人於清

濁太明善惡太分

溫出吳志
無官位

陸瑁吳郡吳人也為選曹尚書初同郡聞人敏見得國
邑優於崇修瑁以為不然後果如其言

孫河為烏程縣長吳粲為小吏河深奇之河後為將軍

得自選長吏表粲為曲阿丞遷為長史治有名迹雖起
孤微與同郡陸遜卜靜等比肩齊聲矣

虞忠字世方翻第五子為宜都太守貞固幹事好識人
物造吳郡陸機於童齒之年稱上虞魏遷於無名之初
終皆遠至為著聞之士交同縣王岐於孤宦之族仕進
先至宜都太守忠乃代之

闕澤字德潤為太子太傅初丁固在襁褓中澤見而異
之曰此兒後必致公輔終如其言

季衡為威遠將軍衡本襄陽卒家子漢末入吳為武昌
庶民聞羊衡有人物之鑒往干之衡曰多事之世尚書
副曹郎才也

顧邵為豫章太守好樂人倫初錢塘丁詣出於役伍陽
羨張秉生於庶民烏程吳粲雲陽殷禮起乎微賤邵皆
拔而友之為立聲譽詣至典軍中郎秉雲陽太守禮零
陵太守粲太子少傅世以邵為知人

張承為奮威將軍承能甄識人物拔彭城蔡欸南陽謝

景於孤微童幼並為國士歎至衛尉景豫章太守又諸
葛恪字元遜年少時衆人奇其英才承言終敗諸葛氏
者元遜也勤於長進篤於物類凡在庶幾之流無不造

門

冊府元龜卷八百四十二

欽定四庫全書

冊府元龜卷八百四十三 宋 王欽若等 撰

總錄部

知人第二

晉劉寔初為宣帝相國叅軍時鍾會鄧艾之伐蜀也有
客問寔曰二將其平蜀乎寔曰破蜀必矣而皆不還客
問其故笑而不答竟如其言寔之先見多此類也懷帝
時為太尉

趙元儒名為知人為鄴市長石苞少為吏被使到鄴事
久未決乃馭鐵於鄴市元儒見苞異之因與結交歎苞
遠量當至公輔繇是知名

許允為吏部郎石苞嘗見允求為小縣允謂苞曰卿是
我輩人當相引在朝廷何欲小縣乎苞還歎息不意允
之知己乃如此

孫登高尚不仕嵇康從之游登謂康曰子才多識寡難
乎免於今之世矣

一云君性烈而才雋其能免乎

子無求乎康不能用

果遭非命仍作幽憤詩曰昔慙柳下今愧孫登

潘岳為黃門郎熊翹嘗為石崇蒼頭而性廉直有士風
岳見而稱異勸崇免之乃還鄉里

胡毋輔之字彥國為湘州刺史初光逸為門亭長迎新令
至京師輔之與荀邃共詣令家望見逸輔之謂邃曰彼
似竒才便呼上車與談良久果俊器

阮修字宣子梁國張偉志趣不常自隱於屠釣修愛其
才美而知其不真偉後為黃門郎陳留內史果以世事

受累修為太子洗馬

郭奕字大業為野王令羊祜字叔子祜嘗過之奕歎曰

羊叔子何必減郭大業少選復往又歎曰羊叔子去人

遠矣遂送祜出界數百里坐此免官

一云羊祜舉上計吏州四辟從事秀

才五府交命皆不就奕見之曰此今之顏子者也

奕後為雍州刺史亭長李含

有俊才而門寒為豪族所排奕用為別駕含後果有名

位時以奕為知人奕遷尚書名重當世朝臣皆出其下

時帝委任楊駿奕表駿小器不可任以社稷帝不聽駿

後果誅

鄭表為儀同三司初年十七在鄉里時濟陰魏諷為相國掾名重當世表同郡任覽與結交表以諷姦雄終必為禍勸覽遠之及諷敗論者稱焉

張華為司空初陶侃至雒陽數詣華華初以遠人不甚接遇侃每往神無忤色華後與語異之除郎中伏波將軍

裴楷字叔則為開府儀同三司有知人之鑒初在河南

樂廣僑居郭界未知名楷一見而竒之致之於宰府

裴頠

魚毀切

字逸民王接性簡率不修俗操鄉里大族多

不能善之惟頠雅知焉頠為左僕射嵇紹為汝陰太守
頠深器之每曰使延祖為吏部尚書可使天下無復遺
才矣頠後為侍中

李憺薦樂安孫璞亦以道德顯時人稱為知人憺官至
特進

閻德東海人也唐彬初受學於德門徒甚多獨目彬有

廊廟才後拜使持節前將軍領西戎校尉雍州刺史及
彬官成而德已卒乃為之立碑

左又太原人也魏舒少質樸性好騎射著韋衣入山澤
以漁獵為事惟又謂舒曰卿終當為台輔然未能令妻
子免饑寒吾當助卿營之嘗賑其匱乏舒受而不辭果
位至儀同三司祿賜如前几杖不朝賜錢百萬

山濤字巨源為尚書僕射初王衍總角造濤濤嗟歎良
久既去目而送之曰何物老嫗生寧馨兒然誤天下蒼

生者未必非此人也

王戎為司徒銜從兄也初孫秀為瑯琊郡吏求品於鄉
議行將不許戎勸品之及得志朝士有宿怨者皆被誅
而戎銜獲免焉

范晔為少府鄉人郭舒幼請其母從師歲餘便歸精識
大義晔及舒宗人武陵太守郭景咸稱舒當為後來之
秀終成國器

盧欽范陽涿人也為尚書僕射初同郡人張華少孤貧

自牧欽見而器之鄉人劉放亦竒其才以女妻焉

嵇紹為侍中初沛國戴晞少有才知與紹從子含相友善時人許以遠至紹以為必不成器晞後為司州主簿以無行被斥州黨稱紹有知人之明又元帝初封瑯琊王幼有令聞及惠皇之際王室多故帝每恭儉退讓以免於禍沈敏有度量不顯灼然之迹故時人未之識焉惟紹異之謂人曰瑯琊王毛骨非常殆非人臣之相也劉公榮濟陰人也有知人之鑒范喬弱冠受業於樂安

蔣國明公榮見喬深相器重喬父沒足不出邑里供養
衡門至於白首元康中除樂安令辭疾不拜喬凡一舉
孝廉八薦公府再舉清白又舉寒素一無所就又同郡
武陵字元夏父周魏衛尉陔沈敏有器量早獲時譽與
二弟紹字叔夏茂字季夏並總角知名雖諸父兄弟及
鄉閭宿望莫能決其優劣公榮有知人之鑒嘗造周周
見三子焉公榮曰皆國士也元夏最優有輔佐之才陳
力就列可為亞公叔夏季夏不減常伯納言也

江統有才識東海王越為兗州牧以統為別駕委以州事與統書曰昔王子師為豫州未下車辟荀慈明下車辟孔文舉貴州人士有堪應此者不統舉高平郝鑿為賢良陳留阮修為直言濟北程牧為方正時以為知人統累遷至黃門侍郎散騎常侍領國子博士

山簡河內人為征南將軍鎮襄陽初蔡克未仕時簡嘗與瑯琊王衍書曰蔡子尼今之正人衍以書示衆曰山子以一字拔人然未易可稱後衍聞克在選官曰山子

正人之言驗於今矣

潘京武陵漢壽人也為泉陵令初同郡人戴若思除沁水令不就遂往武陵省父時京素有理鑒名知人其父遣若思就京與語既而稱若思有公輔之才

顧榮字彥先嘗見吳伏波將軍孫秀之曾孫晷為兒童未嘗被呵怒謂其外祖薛兼曰此兒神明清審志氣貞立非常童也榮位至散騎常侍安東軍司

周浚字開林為安東將軍有人倫鑒識鄉人史曜素微

賤衆所未知浚獨引之為友遂以妹妻之曜竟有名於世

張公陳留高士也王遵少有風鑒識量清遠年十四張公見而竒之謂其從兄敦曰此兒容貌志氣將相之器也

賀循會稽山陰人也為奉常雅有知人之鑒拔同郡楊方於卑陋卒成名於世

周顛為僕射初顧和幼為王遵揚州從事月旦當朝未

入停車門外顓遇之和方擇蟲夷然不動顓既過顧指和心曰此中何所有和徐應曰此中最是難測地顓入謂導曰鄉州吏中有一令僕才導亦以為然

王澄為荊州刺史范汪父稚早卒汪少孤貧六歲過江依外家新野庾氏澄見而竒之曰興范族者必是子也王應王敦兄含子也敦養應為子敦從弟彬為江州刺史舒為荊州刺史敦死含欲投舒應勸含投彬含曰大將軍平素與江州云何為敦嘗欲殺彬故也汝欲歸之應曰此乃

所以宜往也江州當人強盛時能立同異及人危厄必興愍惻荊州守文豈能意外行事含不從遂共投舒舒果沈含父子於江彬聞應來密具船以待之既不至深以為憾

王導字茂弘為丞相初諸葛恢弱冠知名值天下大亂避地江左名亞王導庾亮導嘗謂曰明府當為黑頭公及導拜司空恢在坐導指冠謂曰君當復著此恢後累遷尚書右僕射尚書令加侍中金紫光祿大夫又劉恢

少清遠有奇操與母任氏寓居京口家貧織芒屨以為
養雖葦門陋巷晏如也人未之識惟導深器之後稍知
名論者比之袁羊快喜還告其母其母聰明婦人也謂
之曰此非汝比勿受之又有方之范汪者快復喜母又
不聽及快年德轉升論者遂比之荀粲

劉快為丹陽尹嘗薦吳郡張憑憑卒為美士衆以此服
其知人又桓溫豪爽有風槩姿貌甚偉面有七星少與
快善快嘗稱之曰溫眼如紫石稜鬚作蝟毛磔孫仲謀

晉宣王之流亞也

潘滔為洗馬見王敦而目之曰處仲字敦蜂目已露但豺聲未振若不噬人亦當為人噬東海王越以敦為揚州刺史滔說越曰今樹處仲於江外使其肆豪強之心是見賊也越不從元帝以為都督江揚荆湘交廣六州軍事明帝即位敦遂叛

庾亮領江州孟嘉少知名亮辟補廬陵從事嘉還都亮引問風俗得失對曰還轉當問吏亮舉麈尾掩口而笑

謂弟曰孟嘉故是盛德人轉勸學從事

褚裒為豫章太守正旦朝庾亮以裒有器識亮大會州府人士孟嘉坐次甚遠裒問亮聞江州有孟嘉其人何在亮曰在坐卿但自覓裒歷觀指嘉謂亮曰此君小異將無是乎亮欣然而笑喜裒得嘉

謝安字安石為太傅初褚裒少有令稱安甚重之嘗曰若期生與之小字不佳吾不復論士矣

萬嗣為長沙太守時陶侃為廬江太守張夔督郵領擬

陽令有能名遷主簿嗣過廬江見侃虛心敬悅曰君終當有大名命其子與之結友而去夔察侃為孝廉

楊暉為豫章國郎中令暉陶侃州里也為鄉論所歸侃詣之暉曰易稱貞固足以幹事陶士行是也與同乘見中書郎顧榮榮甚竒之吏部郎溫雅謂暉曰奈何與小人共載暉曰此人非凡器也

黃慶為武庫令尚書樂廣欲會荆揚士慶進陶侃於廣人或非之慶曰此子終當遠至復何疑也慶後為吏舉

侃補武岡令

劉弘為荊州刺史將之官辟陶侃為南蠻長史遣先向襄陽討賊張昌破之弘既至謂侃曰吾昔為羊公叅軍謂吾其後當居身處今相觀察必繼老夫矣後以軍功封東鄉侯

桓彝字茂倫為西陽太守性通朗早獲盛名有人倫識鑒拔才取士或出於無聞或得之孩抱時人方之許郭初見謝安始四歲彝歎曰此兒風神秀徹後當不減王

東海

溫嶠為驃騎將軍鎮武昌初桓溫生未暮而嶠見之曰此兒有奇骨可試使啼及聞其聲曰真英物也爰以嶠所賞故遂名之曰溫嶠笑曰果爾後將易吾姓也

王蘊為會稽內史時王悅來拜墓蘊子恭往省之素相善遂留十餘日方還蘊問其故恭曰與阿大語蟬連不得歸蘊曰恐阿大非爾之友阿大悅小字也後竟乖初好時以為知人

庾翼字稚恭為征南將軍少有經綸大略京兆杜乂陳郡殷浩並才名冠世而翼弗之重也語人曰此輩宜束之高閣候天下太平然後議其任矣見桓溫總角之中便期之以遠畧因言于成帝曰桓溫有英雄之才願陛下勿以常人遇之常壻畜之宜委以方召之任必有弘濟艱難之勲

王濛為司徒左長史初謝安弱冠詣濛清言良久既去濛子修曰向客何如大人濛曰此客疊疊來逼人王導

亦深器之繇是少有重名

邾超為桓溫叅軍事聞謝安以苻堅之侵舉兄子玄為將超雖素與玄不善聞而歎之曰安違衆舉親明也玄必不負舉才也時咸以為不然超曰吾嘗與玄共在桓公府見其使才雖履屐間亦得其任所以知之

桓溫字元子王珣弱冠與陳郡謝玄為溫掾俱為溫所敬重嘗謂之曰謝掾年四十必擁旄杖節王掾當作黑頭公溫後為丞相大司馬

王雅為太子少傅孝武世時帝以會稽王道子無社稷器幹慮晏駕之後皇室傾危乃選時望以為藩屏將擢王恭殷仲堪等先以訪雅雅以恭等無當世之才不可大任乃從容曰王恭風神簡貴志氣方嚴既居外戚之重當親賢之寄然其秉性峻隘無所包容執自是之操無守節之志仲堪雖謹于細行以文義著稱亦無弘量且幹畧不長若委以連率之重據形勝之地令四海無事足能守職若道不當隆必為亂階矣帝以恭等為當

時秀望謂雅疾其勝已故不從二人皆被升用其後竟
敗有識之士稱其知人

王胡之為郡太守時南平車武子父育為郡主簿胡之
名知人見武子於童幼之中謂武子父曰此兒當大興
卿門可使專學

王謚見劉裕在布衣衆未之識也惟謚獨竒貴之嘗謂
裕曰卿當為一代英雄及裕破桓玄謚以本官加侍中
領揚州刺史錄尚書事

桓玄字敬道為大司馬初京兆霸城人王修南渡見玄
玄知之謂曰君平世吏部郎才又謝景仁以不附會司
馬元顯年三十方為著作郎玄誅元顯見景仁甚知之
謂四坐司馬庶人父子云何不敗遂令謝景仁方著作
作郎

楊珧駿之弟也魏咸熙中劉元海為任子在雒陽晉文
帝深待之泰始之後王渾又屢言之於武帝帝召與語
大悅之謂王濟曰劉元海容儀機鑒雖繇余日磬無以

加也濟對曰元海容儀機識實如聖旨然其文武才幹
賢於二子遠矣陛下若任之以東南之事吳會不足平
也帝稱善玠及孔恂進曰臣觀元海之才當今懼無其
比陛下若輕其衆不足以成事若假之威權平吳之後
恐其不復北渡也非我族類其心必異任之以本部臣
竊為陛下寒心若舉天阻之固以資之無乃不可乎帝
默然後秦涼覆沒帝疇咨將帥上黨李憲曰陛下誠能
發匈奴五部之衆假元海一將軍之號鼓行而西可指

期而定恂曰李公之言未盡殄患之理也熹勃然曰以匈奴之勁悍元海之曉兵奉宣聖威何不盡之有恂曰元海若能平涼州漸樹機能恐涼州方有難耳蛟龍得雲雨非復池中物也帝乃止珽官終太僕

董仲道隱者也王彌有才幹博涉書記少游俠京都仲道見而謂之曰君豺聲豹視好亂樂禍若天下騷擾不作士大夫矣彌後事劉元海劉曜為石勒所殺

張華仕前燕為安北將軍雅有知人之鑒慕容廆童冠

時往謁之華甚歎異謂曰君至長必為命世之器扶難濟時者也因以所服簪幘遺龐結殷勤而別

張載灌津人也同郡韓嘗少能屬文師事載載竒之曰王佐才也嘗後仕慕容儁為揚烈將軍與李產俱傳東宮從太子暉入朝儁顧謂左右曰此二傳一代偉人未易繼也其見重如此

苻宏前秦苻堅之太子也堅以士馬強盛有圖西域之志乃授呂光使持節都督西討諸軍事率將軍姜飛彭

馬杜進康盛等總兵十萬鐵騎五千以討西域以隴西
董方馮翊郭抱武威賈虔弘農楊穎為四府佐將宏執
光手曰君器相非常必有大福宜深保愛

毛興仕前秦鎮上邽時苻登兄同成為興長史以登為
司馬後姚萇作亂遣其弟碩德率衆伐興相持久之興
將死告同成曰與卿累年共擊逆羌事終不尅何憾之
深可以後事付卿少弟司馬珍碩德者必此人也卿可
總攝司馬事

徐統見王猛於鄴都奇之召為功曹適而不應

王猛字景畧為苻堅丞相呂光沈毅凝重寬簡有大量
喜怒不形於色時人莫之識也惟猛異之曰此非常人
也

劉化者道術之士也見李特第三子雄化每謂人曰關
隴之士皆當南移李氏子中惟仲雋有奇表終為人主

仲雋雄
字也

趙廐後蜀人也李庠特第三弟也為威寇將軍封陽泉

亭侯初至蜀，獻深器之，與論兵法，無不稱善。每謂所親

曰：李玄序蓋亦一時之闢張也。

玄序
序字

王齊北燕人，初馮素弗跋之，長弟任俠放蕩，不修小節。故時人未之竒，惟齊異焉，曰：撥亂才也。及為宰輔，謙虛恭慎，非禮勿動。成藻為南宮令，馮素弗弱冠自詣，慕容熙尚書左丞韓業請婚，業怒而距之，復求尚書郎高邵女，邵亦弗許。時藻豪俊，有高名，素弗造焉。藻命門者勿納，素弗逕入，與藻對坐，旁若無人，談飲連日。藻始竒之。

曰吾遠求騏驎不知近在東鄰何識子之晚也當世俠士莫不歸之

朱謝景仁為桓玄黃門侍郎時高祖為桓循撫中兵叅軍嘗詣景仁諮事景仁與語悅之因留高祖共食未辦而景仁為玄所召玄性促急俄頃之間騎詔續至高祖屢求去景仁不許曰主上見待要應有方我欲與客共食豈當不得待竟安坐飽食然後應召高祖甚感之

江數為建武將軍初劉穆之世居京口少好書傳博覽

多通為數所知及數為將軍以穆之為府主簿

謝混字叔源高祖義旗初建以徐羨之為鎮軍參軍尚書庫部郎領軍司馬與混共事混甚知之混官終左僕射

蔡堪之見謝密兄弟謂人曰弘微貌類中郎而性似文

靖

弘微謝密字也

沈慶之為建威將軍元嘉三十年元凶弒立孝武入謝義興太守王僧達歸孝武孝武命為長史初發海陽慶

之謂人曰王僧達必來赴義人問其所以慶之曰虜馬
飲江王出赴難見其議論開張執意明決以此言之其
至必也僧達果來

桓序為輔國將軍劉敬宣父牢之為鎮北將軍敬宣八
歲喪母晝夜號泣中表異之序鎮蕪湖牢之叅序軍事
四月八日敬宣見衆人灌佛乃下頭上金鏡以為母灌
像因悲泣不自勝序歎息謂牢之曰卿此兒既為家之
孝子必為國之忠臣

劉敬宣以劉毅為寧朔叅軍時人或以雄傑許之敬宣曰非常人之才當別有調度豈得便謂此君為人豪耶然其性外寬而內忌自伐而尚人若一旦遭逢亦當以陵上取禍耳

韓伯為豫章太守胡藩少孤居喪以毀稱伯見謂藩叔尚書少廣曰卿此姪當以義烈成名

雷次宗字仲倫豫章南昌人元嘉二十五年徵至京師開館車駕數幸除給事中不就南齊衡陽元王道度太

子長兄也與太祖俱受學於次宗宣弟問二兒學業次宗答曰其兄外朗其弟內潤皆良璞也

張邵拜征虜將軍領寧蠻校尉雍州刺史加都督時王華為侍中護軍初華與邵有隙及華叅要親舊為之危心邵曰子陵華之字也方弘至公必不以私讐害正義是任也華實舉之

劉柳為尚書僕射沈演之年十一柳見而知之曰此童終為令器

王韶之為吳興太守郡人王道隆兄道迄涉學善書形貌又美韶之謂人曰有子弟如王道迄無所少

荀伯子潁川人卒於東陽太守王惠素不與謝靈運相識嘗得交言靈運辨博辭義鋒起惠時然後言時伯子在座退而告人曰靈運固自蕭散直上王郎有如萬頃波焉

劉穆之為丹陽尹謝方明性嚴格與從兄混俱有重名惟歲節朝宗而已穆之權重當時朝野輻輳不與穆之

相識者惟有混方明郗僧施蔡廓四人而已穆之甚以
為憾方明廓後往造之大悅白高祖曰謝方明可謂名
家駒直置便自是台鼎人無論復有才有

南齊蕭摹之為丹陽尹時高帝父承之少有大志才力
過人摹之及宗人北兗州刺史源之並見知重

張緒為會稽內史陸慧曉清介正立不雜交遊緒見慧
曉童幼便嘉異之稱之曰江東裴樂也

張環為吳郡太守郡人顧暲陸閑並少年未知名環並

引為綱紀後並立名世以為知人

虞棕會稽餘姚人初見武帝帝始為從官家尚貧薄棕數相分遺每行必呼帝同載帝甚德之卒於光祿大夫加正員常侍

曹武為散騎常侍武雖武士頗有知人鑒梁武及崔惠景之在襄陽於時崔方貴盛武性儉嗇無所餉遺獨謂梁武曰卿必大貴我當不及見今以弱子相托每密送錢物并好馬時帝在戎多乏就武換借未嘗不得遂至

十七萬及帝即位忘其惠天監二年帝忽夢如田塍下
行兩邊水深無底夢中甚懼忽見曹武來負武帝得過
曰卿今為天下主乃爾忘我顧托之言耶我兒饑寒無
依昔所換十萬可還其市宅帝覺即使主書送錢還之
使用市宅子世澄世宗並蒙抽擢三二年間迭為大郡
明諧之為衛尉領中庶子諧之有識計每朝廷官缺及
應遷代密量上所用人皆如言

褚淵為錄尚書事從弟炫少清簡為從舅王景文所知

淵謂人曰從弟廣信獨立乃十倍於我也

張融吳郡錢塘人與杜栖同郡栖徵士京產之子也融與京產相友每相造言論栖嘗在側融指栖曰昔陳太丘之名元方比之為劣今方古人何貴融後終於司徒左長史

殷灞為尚書右丞沈瑀嘗詣灞灞與語及政事甚器之謂曰觀卿才幹當居吾此職

蕭惠開征西將軍思詒之子也丹陽建康人紀僧真少

隨思話及惠開皆被賞遇惠開性苛僧真以微過見罰
既而委任如舊及惠開罷益州還都不得志而僧真事
之愈謹惠開臨終歎曰紀僧真方當富貴我不見也

沈寅之為領軍丘靈鞠吳興烏程人也靈鞠少好學善
屬文州辟從事寅之寅之曰身昔為州職詣領軍謝晦
賓主坐處正如今日卿將來或復此

劉臧為尚書左丞徐孝嗣始適臧弟舍孝嗣往詣臧臧
退語舍曰徐郎是令僕人三十餘可知矣汝宜善自結

陸修靜與張融同郡融弱冠修靜以白鷺羽扇麈尾遺融曰此既異物以奉異人融後為黃門郎太子中庶子王儉為衛軍武帝起家巴陵王南中郎法曹行參軍遷儉東閣祭酒儉一見深相器異謂廬江何憲曰此蕭郎三十內當作侍中出此則貴不可言又稱徐勉有宰輔之量

王融為中書郎劉孝綽之舅也孝綽幼聰敏七歲能屬文融深賞異之嘗與同載適親友號曰神童融每言曰

天下文章若無我當歸阿士阿士孝綽小字也

梁劉孝綽父繪齊世掌詔誥孝綽年未志學繪嘗使代
草之父黨沈約任昉范雲等聞其名並命駕先造焉昉
尤相賞好范雲年長繪十餘歲其子孝才與孝綽年十
四五及雲遇孝綽便申伯季乃命孝才拜之後累遷秘
書監

紀少瑜早孤幼有志節嘗慕王安期之為人年十三能
屬文初為京華樂王僧孺見而賞之曰此子才藻新拔

方有高名後為武陵王記室參軍

呂道惠餘杭人范述曾幼好學從道惠受五經略通章句道惠學徒嘗有百數獨稱述曾曰此子必為王者師齊文惠太子竟陵文宣王幼時高帝引述曾為之師友蔡搏為侍中武帝嘗問曰卿門舊尚有堪事者多少搏曰臣門客沈約范岫久已被升擢此外無人約時為太子少傅岫為右將軍

張永顧協之外從祖也協字正禮吳郡吳人幼孤隨母

養於永永嘗攜內外甥姪遊虎丘山協年數歲永撫之
曰兒何戲協對曰正欲枕石漱流永歎息曰顧氏興於
此子後為散騎常侍鴻臚卿

顧歡朱异外祖也异年數歲歡撫之謂异祖昭之曰此
兒非常器當成卿門戶後為中領軍贈侍中尚書右僕
射

梁仲德張緬外祖也緬字元長車騎將軍弘策子也年
數歲仲德異之嘗曰此兒非常器非止為張氏寶方為

海內令名也仕至侍中

裴子野河東人為鴻臚卿張纘為太尉誥議衆軍尚書
吏部俄為長史兼侍中時人以為早達子野曰張吏部
有喉脣之任已憾其晚矣

阮孝緒謝蘭舅也蘭晉太傅安八世孫孝緒以其有至
性謂之曾子稍授以經史過目便能諷誦孝緒每曰吾
家元陽也蘭後遷散騎常侍

張岱陸倕外祖也倕少勤學為岱所異岱嘗謂諸子曰

此兒汝家之元陽也終於太常卿

陸閑字遐業有風槩與人交不苟合少為同郡張緒所知仕至揚州別駕

袁炤范雲之親人也雲字彥龍嘗就炤學晝夜不怠炤撫其背曰卿精神秀朗而勤於學卿相才也雲後為尚書右僕射

袁粲為衛將軍謝朓為粲長史粲性簡峻罕通賓客時人方之李膺朓謁既退粲曰謝令不死朓莊之子也

韋叡以齊末多故不欲遠鄉里求為上庸太守加建威將軍俄而太尉陳顯達護軍將軍崔慧景頻迫京師民心惶駭未有所定西土人謀之於叡叡曰陳雖舊將非命世才崔頗更事懦而不武其取赤族也宜哉天下真人殆興於吾州矣乃遣其二子自結於高祖

沈約為左衛將軍張率為太子舍人與同郡陸倕幼相友狎嘗同載詣約適值任昉在焉約乃謂昉曰此二子後進才秀皆南金也卿可與定交繇此與昉友善

袁顛為雍州刺史傅昭幼孤為外祖所養十歲於朱雀
航賣歷日顛嘗來昭所昭讀書自若神色不改顛歎曰
此兒神情不凡必成佳器昭後為散騎常侍金紫光祿
大夫

謝朓文章盛於一時到洽清警有學行朓見洽深相賞
好日引與談論每謂洽曰君非直名人亦乃兼資文武
朓後為吏部洽去職朓欲薦之洽覩世亂深相拒絕
任昉樂安人時到洽除晉安王國左常侍不就遂築室

巖阿幽居者積歲昉有知人鑒與洽兄沼溉並游嘗訪
洽於田舍見之歎曰此子日下無雙遂申拜親之禮又
伏珽有才思好屬文為五言詩善效謝康樂體昉深相
歎異嘗曰此子日下無雙

何點字子皙徵侍中不就杜栖有學業能清言點見栖
歎曰卿風韻如此雖獲嘉譽不永年矣栖果早卒又知
丘遲於幼童稱江淹於寒素悉如其言

徐勉為中兵郎領軍長史瑯琊王元長才名甚盛嘗欲

與勉相識每託人召之勉謂人曰王郎名高望促難可
輕敝衣裙俄而元長及禍時人莫不服其識鑒後勉為
僕射時蔡大寶濟陽考陽人少孤而篤學不倦善屬文
初以明經對策第一解褐武陵王國左常侍嘗以書干
勉大為勉所賞異乃令與其子游處所有墳籍盡以給
之遂博覽羣書學無不綜

諸葛璩瑯琊人臧盾幼從璩受五經通章句璩學徒常
有數十百人看處其間無所狎比璩異之歎曰此生重

器王佐才也盾後為領軍將軍

明僧紹徵士也劉杳字仲深年數歲僧紹見之撫而言曰此兒實千里之駒杳後遷尚書左丞

趙伯符孫謙親人也謙字長遜東莞莒人也少為伯符所知謙年十七伯符為豫州刺史引為左軍以幹稱周顥汝南人何胤縱情誕節時人未知之也惟劉瓛深器異之後累遷左丞尚書領驍騎中書令拜表辭職居若耶山高祖踐祚詔為特進右光祿大夫不拜

蔡大寶有重名於江左柳莊初為太府卿少有遠量博覽墳籍兼善辭令大寶時為岳陽王蕭詵諮議見莊便歎曰襄陽水鏡復在於茲矣大寶遂以女妻之

王僧辨為申隨都督司馬申為鎮西外兵記室參軍及侯景寇郢州僧辨據巴陵每進籌策皆見行用僧辨歎曰此生腰鞬汗馬或非所長若使撫衆守城必有奇績陳孔奐為中書令虞世基幼沈靜喜愠不形於色博學有高才兼善草隸奐見而歎曰南金之貴屬在斯人及

煬帝即位叅掌朝政

蕭暎為吳興太守梁大同初嘗目高祖謂僚佐曰此人方將遠大

鄧顯沛國人也孔奐會稽山陰人也奐數歲而孤為叔父虔孫所養好學善屬文經史百家莫不通涉顯時稱學府每共奐討論深相歎服乃執奐手曰昔伯喈墳索悉與仲宣吾當希彼蔡君足下無愧王氏所保書籍尋以相付卒為散騎常侍金紫光祿大夫領前軍將軍

蕭勵江總之舅也總七歲而孤依於外氏幼聰敏有志性勵名重當時特所鍾愛嘗謂總曰爾行殊異神采英拔後之知名當出吾右後為尚書令給鼓吹一部

王筠為尚書謝貞從舅也貞年七歲母王氏授論語孝經讀訖便誦八歲嘗為春日閒居五言詩筠竒其有佳致謂所親曰此兒方可大成至如風定花猶落乃追步謝惠連矣繇是名輩知之遷南平王友掌記室事加招遠將軍

張纘為吏部尚書杜之偉補邵陵王田曹參軍之偉年位甚卑特以彊識俊才頗有名當世纘深知之以為廊廟器也

徐陵為少傅聞虞世基名召之世基不往後因公會陵一見而奇之顧謂朝士曰當今潘陸也因以弟女妻焉後魏劉庫仁初見道武嶷然不羣嘗謂其子曰有圖天下之志興復洪業光揚祖宗者必此主也

劉羅辰代人宣穆皇后之兄也父春為北部大人帥部

落歸國羅辰有智謀謂春曰從兄顯忍人也願早圖之
春不以為意後顯果殺春而代立

王猛北海人為苻堅相薛強字威明幼有大志懷軍國
籌畧與猛同志友善及桓溫入關中猛以巾褐謁之溫
曰江東無卿比也秦國定多奇士如生輩尚有幾人吾
欲與之俱南猛曰公求可與撥亂濟時者友人薛威明
其人也溫曰聞之久矣方致朝命強聞之自南山來謁
與猛皆署軍祭酒強察溫有大志而無成功乃勸猛止

俄而溫敗及苻堅立猛見委任其平陽公融為書將以車馬聘強猛以為不可屈乃止

崔光為司徒元子孝字季業早有令譽年八歲光見而異之曰後生領袖必此人也又濟南王彧臨淮王之孫也彧字文若少有才學當時甚美光見而謂之曰黑頭三公當此人也又元顯和少有節操歷司徒記室參軍光每見之曰元參軍風流清秀容止閑雅乃宰相之器又趙彥深年十歲曾候光光謂賓客古人觀眸子以知

人此人當必遠至

游肇為侍中臨淮王昌弟孚少有令譽肇及并州刺史高聰司徒崔光等見孚咸曰此子當進退人物憾吾徒衰暮不及見耳

李孝伯為尚書宋孝武鎮彭城魏使孝伯至帝遣長史張暢與語而帝改服觀之孝伯目帝不輟及出謂人曰張侯側有人風骨視瞻非常士也

郝軒太原人世名知人崔玄伯為著作佐郎符丕收冀

州為征東功曹軒稱玄伯有王佐之才近代所未有也
李彪為御史中尉以李煥有幹用少與鄴道元俱為彪
所知

崔浩為司徒薛拔沈毅有器識年始弱冠浩見而奇之
張讜為平壽侯李訢為相州刺史以罪免配為厮役讜
見與語奇之謂人曰此佳士也終不久屈未幾而復為
太倉尚書攝南部事

崔玄伯清河人卒贈司空初高允少孤夙成有奇度玄

伯見而異之歎曰高子黃中內潤文明外炤必一代偉器但吾恐不見耳

崔挺為北海王司馬初崔光之在貧賤也挺贍遺衣食嘗親敬焉又識邢巒宋弁於童稚之中並謂終當遠至世稱其知人後光位至司徒侍中

李沖為尚書宋弁才學雋贍少有美名高祖初曾至京師見沖因言論移日沖竦然異之退而言曰此人一日千里王佐才也又崔亮年十歲嘗依季父幼孫家貧傭

書自業時冲當朝任事亮從兄光往依之言亮於冲冲迎為館客冲謂其兄子彥曰大崔生寬和篤雅汝宜友之小崔生峭整清徹汝宜敬之二人終將遠至

李崇為尚書令宋維字伯緒諂事元又為時所忿崇與尚書左僕射郭祚右僕射游肇每云伯緒凶疎終敗宋氏幸得殺身耳論者以為有徵後除營州刺史仍以本將軍靈太后反政以入黨除名遂還鄉里尋追其前誣告清河王事於鄴賜死

清河王懌為太傅劉懋性沈雅厚重懌愛其風雅嘗目
送之曰劉生堂堂縉紳領袖若天假之年必為魏朝宰
輔

任城王澄為吏部尚書裴夙為主客郎時澄有知人鑒
每歎美夙以遠大許之

李苗為員外散騎常侍太保城陽王徽司徒臨淮王彧
重之二王頗或不睦苗諫之及徽寵勢隆極猜忌彌甚
苗謂人曰城陽蜂目先見豺聲今轉彰矣

崔衡嘗舉李元愷程駿等終為名器世以是稱之

高允為中書監祖瑩年十二為中書學生尤好屬文允
每曰此子才器非諸生所及終當遠至後為中書侍郎
李神雋為吏部尚書崔彥穆幼明悟神采卓然神雋有
知人之鑒見而歎曰王佐才也後位至侍中

崔亮為吏部侍郎邢邵字子才少時有避遂稱子才焉
年五歲亮見而奇之曰此子後當大成位望通顯

常景河內人為儀同三司車騎將軍蘇亮字景順武功

人少通敏博學好屬文善章奏初舉秀才至雒陽遇景
景深器之退而謂人曰秦中才學可以抗山東將此人
乎又温子昇博覽百家文章清婉為廣陽王深賤客在
馬坊教諸奴子書作侯山祠堂碑文常景見而善之故
詣深謝之景曰頃見温生深怪問之景曰温生是大才
士深繇是稍知之

北齊段長遼西人神武素家貧及聘武明皇后始有馬
得給鎮將長嘗竒神武貌謂曰君有康濟才終不徒然

便以子孫為托及貴追贈長司空擢其子寧而用之

蔡雋廣寧石門人高典有膽畧高祖微時深相親附與
遼西段長太原龐蒼鷹俱有先知之鑒

甄琛為定州長史同郡杜弼幼聰敏琛簡試諸生見而
策問義解開明應答如響大為琛所歎異其子寬與弼
為友州牧任城王澄聞而召問深相嗟賞許以王佐之
才澄琛還雒稱之於朝丞相高陽王等多相召命

彭樂以斛律光初為侯景部下樂謂高敖曹曰斛律家

小兒不可三度將行後奪人名後至大將軍加太傅

邢邵河間人李繪儀貌端偉神情朗雋邵繪舅也與繪清言歎其高遠每稱曰若披雲霧如對珠玉宅相之寄良在此生後位至特進太常卿

任城王潛以李德林器量沈深時人未能測惟潛及趙彥深魏收陸瑒大相欽重延譽之言無所不及後位至內史令

元寔為刺史郎基任瀛州騎兵時陳康元為司馬畢義

雲為屬與基竝有聲譽元崑目曰三賢俱有當世才後
來皆當遠至惟郎騎兵任真過甚恐不足自達陳畢後
並貴顯而基位止郡守

邢子良與王晞遊處晞小名沙彌幼而孝謹淹雅有器
度好學不倦美容儀有風則隨母兄東適海隅邢子良
愛其清悟與其在雒兩兄書曰賢弟彌郎意識深遠曠
達不羣簡於造次言必詣理吟詠性情必臻麗絕恐足
下方難為兄不暇慮其不進也

崔昂謂盧潛及弟士邃云此昆季足為後生之俊但憾其俱不讀書耳

劉仁之為彭城王韶定州長史孟業家本寒微為州小吏性廉謹韶拜定州除典籤仁之謂業曰我處其外君居其內同心戮力庶有濟乎未幾仁之徵入為中書令臨路啓韶云殿下左右可信任者惟有孟業願專任之餘人不可信也又與業別執手曰今我出都君便失援恐君在後不自保全惟正與直願君自勉

徐遵明為國子博士楊慶字伯悅美姿儀性辨慧年十六遵明見而異之

楊遵彥為尚書右僕射見奉朝請薛道衡嗟賞吏部尚書隴西辛術與語歎曰鄭公業不亡矣河東裴讞之曰自鼎遷河朔吾謂關西孔子罕值其人今復過薛君矣後周齊王憲嘗過柳謩之於途異而與語大奇之謩時為童兒因奏入國子以明經擢第拜宗師中士

謝舉為僕射柳霞為邵陵王府功曹頗協時論舉引霞

與語甚嘉之顧謂人曰江漢英靈見於此矣

李賢幼有志節不妄舉動嘗出遊遇老人鬚眉皓白謂之曰我年八十觀士多矣未有如卿者必為台牧賢其勉之賢後至洮州總管

裴俠為郢州刺史梁竟陵守孫暲鄴城守張建並以郡來附俠見之密謂人曰暲目動言肆輕於去就者也建神情審定當無異心乃馳啓其狀文帝曰裴俠有鑒深得之矣遣大都督苻貴鎮竟陵而鄴城竟不遣監統及

柳仲禮軍至高廼以郢叛卒如使言

于翼為司會中大夫文帝以翼有人倫之鑒皇太子及諸王等相傳以下並委翼選置其所擢用皆民譽也時論僉謂得人

隋劉臻為左僕射初楊汪問禮於沈重受漢書於臻二人推許之曰吾弗如也繇是知名汪仕至吏部尚書

牛弘為吏部尚書所有進用皆稱職吏部侍郎高孝基鑒賞機悟清慎絕倫然爽俊有餘迄似輕薄文帝多以

此疑之惟弘深識其才推心委任隋之選舉於斯為最時
論彌服弘識度之遠又見李靖為殿內直長重之曰李
生王佐才也

顧言河東人也博學有才罕所推仰與虞世基相見歎
曰海內當共推此一人非吾儕所及也世基後至金紫
光祿大夫

高構字孝基為吏部侍郎見杜如晦少聰悟美風調精
彩絕人深器重之每謂人曰此子有應變之材棟梁之

用又房玄齡年十八射策甲科授羽騎尉校讐秘書省
孝基見玄齡嗟悵不已謂河東裴矩曰僕聞人多矣未
見此賢必成偉器但憾不覩其縱壑凌霄耳

劉炫為太學博士定州義豐人張行成少師事炫勤學
不倦炫謂門人曰張子體局方正廊廟材也

張弼大業末為賊帥李大亮隴西狄道人也好讀書有
文武才幹為賊所獲同輩百餘人皆就死弼見而異之
獨識與語遂定交於幕下

盧思道為散騎侍郎封倫舅也封倫少時思道每言曰
此子智識過人必能致位卿相

薛道衡為司諫大夫溫彥博之父友也彥博幼聰悟有
口辯涉獵書記初道衡及李綱嘗見彥博兄弟三人咸
歎異曰皆有卿相才也

唐劉曇輝孔穎達邑人也穎達年八歲日讀千言未嘗
嬉戲曇輝有知人之鑒深奇之穎達後仕為國子祭酒
岑文本為中書侍郎馬周為中書舍人周有機辯善敷

奏文本謂所親曰吾見馬周論事多矣援引事類商確古今舉要刪蕪會文切理奇鋒間出高論橫飛聽之靡靡令人忘倦昔之蘇張終賈徒聞斯語今見其人然鳶肩火色騰上必速恐不能久耳

李勣隋末事李密初得黎陽倉就食者數十萬人魏徵高季輔杜正倫郭恪皆客遊其所一見於衆人之中即加禮敬引之內卧談謔忘倦及平武牢獲偽鄭州長史戴胄知其所行能尋即釋放更加推薦咸至顯達當時

稱其有知人之鑒勳後位至司空

李文博有知人之鑒張河幼而警悟文博見而竒之與共結友河後為相州都督范陽郡公

盧承業為揚州長史婁師德弱冠進士擢第授江都尉承業竒其才嘗謂之曰吾子台輔之器當以子孫相託豈可以官屬常禮行也師德後為相

朱敬則為正諫大夫同鳳閣鸞臺平章事雅有知人之鑒凡在品論者後皆如其言及知政事以用人為先桂

州蠻叛薦裴懷左鳳閣舍人缺薦魏知古右史缺薦張
思敬則天以為知人

裴行儉為吏部侍郎時賞拔蘇味道王劇謂曰二公後
當相次掌知鈞衡之任時李敬玄盛稱王勃楊炯盧昭
隣駱賓王等以示行儉行儉曰士之致遠先器識而後
文藝也勃等雖有才名而浮躁炫露豈享爵祿者哉楊
稍似沈靜應至令長餘並鮮能令終其後皆如其言

李義琛為雍州長史蘇珣為鄆縣尉義琛謂曰鄆縣本

多訴公近日遂絕訪聞其繇明公為其疎理因顧指廳
事曰此即明公座也但憾遲暮所見耳珣後至吏部尚
書

桓彥範為雒州刺史蕭嵩調雒州參軍彥範見之雅重
待以殊禮

姚崇為紫微令蕭嵩為中書舍人與崔琳王丘齊幹同
列咸未之異而崇許其致遠眷之特深

獨孤信為雒州總管孫思邈弱冠善談莊老及百家之

說兼好釋典信見而歎之曰此聖童也但憾其器大識小難為用也

吳競仕至相州長史初張鎬風儀魁岸廓落有大志涉獵經史好談王霸大畧少時師事競競甚重之

李華栖筠之族子也栖筠趙郡贊皇人幼孤貧而器度雄遠體貌瓌傑博覽墳籍無所不通屬文勁迅然本於理道教化性嚴重寡言造次不妄交接故當時高名之士皆敬慕之華有知人之鑒每稱其王佐才初自負器

業恥從賓貢隱居於郡共城山下華固勉其應舉一試
登進士第

程楚賓者呂諲鄉人也諲蒲州河東人少修整勵志於
學早孤家貧不能自賑楚賓家富於財遂娶其女楚賓
與子震重其才給其所欲至天寶初舉進士調寧陵尉
杜鴻漸為宰相杜黃裳升進士宏辭科鴻漸深器重之
黃裳後亦為相

于邵為禮部侍郎雅知人初山南東道樊澤嘗舉賢良

方正至京師一見之謂人曰將相之材也五年澤為節將又北部郎中崔元幹年近五十始舉進士邵異其文學擢首甲科且曰不十年當掌誥命竟如邵言

裴傲為金吾將軍時邵說遷吏部侍郎以才幹稱談者或以宰相許之傲語諫議大夫柳載曰以鄙夫所度說得禍不久矣且說與史思明父子定君臣之分居劇官掌兵柄亡軀犯順前後百戰於賊庭掠名家子女以為婢僕者數十人剽盜寶貨不知紀極力屈然後降朝廷

宥以不死獲齒班序曾無厚顏而又遑遑求財崇飾第宅附託貴倖以求大用不知愧懼而有德色其可久乎說竟卒於歸州刺史

梁肅為翰林學士初崔羣年未冠舉進士陸贄知貢舉訪於梁肅議其登第有才行者肅曰崔羣雖少年他日必至公輔果如其言

韋夏卿為東都留守留心辟士務得才彥其後位至卿

相

高郢為僕射張仲方之父友也初仲方為兒童時郢見而竒之曰此子非常必為國器吾獲高位必振發之後郢為御史大夫首請仲方為御史

後唐盧質為張承業管記承業辟馮道為本院巡官承業重其文章履行甚見待遇時有周玄豹者善人倫鑒與道不洽謂承業曰馮生無前程公不可過用質聞之曰我曾見杜黃裳司空寫真圖道之狀貌酷類焉將來必副大用玄豹之言不足信也承業尋薦為霸府從事

趙德均明宗鄉人也高行周事明宗嘗與清泰主分率
牙兵明宗所征無不拱從德均謂明宗曰行周心好謹
厚必享貴位

陳紹光驍將也鄭仁誨幼事紹光紹光恃勇使酒嘗乘
醉抽佩劍將刺刃於仁誨左右無不奔避惟仁誨端立
以俟畧無懼色紹光因擲劍於地謂仁誨曰汝有此器
度必當享人間富貴及紹光典郡仁誨累為右職

晉盧岳明歷象善知人唐末嘗謂李周曰子竒表方願

隆準眉目疎朗身長七尺乃將相之材也河東李氏將
有天下子宜事之以求富貴周辭以母老而歸既而梁
將葛從周拔邢雒唐武皇麾兵南下築壘於青山口周
向背莫決因思岳言乃拔青山寨將張沔落武皇賞之
補萬黃領軍使

司空圖為兵部侍郎姚顛少養敦厚靡事容貌任其自
然流輩未之重惟圖深器之以女妻焉

冊府元龜卷八百四十三